

Publicaziuns officialas dils 31 da schaner 2025

Vischnaunca Trun

Votaziun federala e communal

L'urna principala en canzlia communal ei aviarta sco suonda:

Gievgia,	ils 06-02-2025,	09.30 – 11.30,	15.30 – 17.30
Venderdis,	ils 07-02-2025,	09.30 – 11.30,	15.30 – 17.00
Dumengia,	ils 09-02-2025,	09.00 – 10.30	

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen venderdis, ils 7 da fevrer 2025 allas 17.00 tier l'administraziun communal (tel. 081 920 20 40).

Levgiament da votar

Mintga votant/a ha la pussevkladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 9 da fevrer 2025 allas 10.30 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damonda da baghegiar

Datum da publicaziun: 31-01-2025

Petenta: Vischnaunca Trun, Via Dulezi 1, 7166 Trun
Object: Construcziun d'ina casetta cun indrezs sanitar sin la piazza da giugs sin parcella 1661 a Trun.
Zona: Zona per indrezs publics (ZIP)

Datum da publicaziun: 31-01-2025

Petenta: Vischnaunca Trun, Via Dulezi 1, 7166 Trun
Object: Sanaziun dalla via Darvella – Gassa sut e construcziun d’in moloc sin las parcelas 818, 2686, 2677 e 2698 a Darvella.
Zona: Ulteriur territori communal (UTC)

Protestas:

Il plans ein deponi en canzlia communal. L’investa publica cuoza 20 dis dapi il datum da publicaziun. Protestas ein d’inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Taglia da tgauns 2025

La taglia da tgauns per 2025 ei da pagar al spurtegl tochen ils 31 da mars 2025.

Tenor la lescha da taglia munta la taxa per igl emprem tgaun à frs. 120.–. Per mintga ulteriur tgaun munta la taxa à frs. 170.–.

Tut ils tgauns ston purtar in microchip. Nus supplichein tuttas possessuras e tuts possessurs dils animals da purtar il cudischet d’identificaziun digl animal sinaquei che l’administraziun communal sappi registrar la numera dil microchip.

Administraziun communal Trun

Alarm d’emprova dallas sirenas

Mesjamna, ils 5 da fevrer 2025 han ils alarms d’emprova liug. Ils alarms generals vegnan fatgs allas 13.30 ed allas 13.45 uras, ed ils alarms d’aua allas 14.15 e 15.00 uras. Nus supplichein Vus da prender enconuschienscha da quell’informaziun.

Suprastanza communal Trun

Uniun da dunnas Trun/Zignau

Suentermiezdi creativ

Temps d’esser creativs en cumpignia! Nus s’entupeiin **mesjamna, ils 12 da fevrer 2025**, allas 14.00 ella scola Trun cun nos projects, giugs ni gust da star ensemen.

Tgi che sa buc organisar senza in taxi sa s’annunziar tochen dus dis avon tier Manuela Schwarz (077 406 21 08). L’Uniun da dunnas envida cordialmein e selegra sche Ti eis era dalla partida!